

sed saltem alieno h. e. in pōculo rotando ipsa rotunda
est, in quadrato quadrata: Sic Politicus omnibus oc-
casionibus, omnibus statibus, omnibus personis appli-
cetur perspicacissimè. Tandem de coloribus aliqvid
afferetur. Purpureus qvi sangvinem refert, bellandi
prudentiam arguit: viridis sive cœruleus cūm pacis si-
gnum habeat, eruditionem designat: Flavus sive lu-
cidus, qvoniam proximè accedit ad aurum, pecuniæ
habet emblema. Jam qvis nescit aut Arte aut Marte
accedendum esse ad fortunam politicam; utriusqve
autem vinculum sive mixturam esse pecuniam, qvæ
non modo apud Personas publicas, sed etiam apud
qvemvis privatum recte appellatur nervus rerum ge-
rendarum.

His verò omnibus calidissima adhibebuntur vota,
velit Deus Opt. Max. tūm Ecclesiæ tūm Reip. statum
perpetuis gratiæ signis inter medias pluvias & procel-
las solari ac erigere. Et proinde sive pulchrum est ejus-
modi Orationes audire; sive Christianum est votis
tam devotis suam devotionem jungere, qvâ par est ob-
servantiâ & humanitate rogo, velint omnes, qvi suam
benevolentiam erga literarum Studiosos hactenus te-
stati sunt, denuo suam præsentiam ad horæ spatium
nobis indulgere, & vicissim, si qvid in viribus nostris
positum est, gratianimi Symbolum expectare. P.P.

d. 10. April M D C. LXXIII.

